

2<sup>r</sup>

Ain gemayne Vorred/ zů nachuolgendem  
bůch (als folchs zum druck verordent) gefált.

DEr wolgeporn Herr Johańs  
Freyher zů Schwartzenberg vñ zů Hohenlandtß-  
perg/ fáliger gedáchnuß/ Hat inn der zeyt/ feines le-  
bens/ alle múffiggehung/ vmb abwendung willen  
der lafter/ fo darauß volgen/ neben feinē mercklichē  
amptgefcháfften/ geflohen/ Vñ wie anderßwo an-  
zeygt wordē/ alles fleiß vñgangen. Dañ als er lan-  
ge zeyt Bambergifcher/ vnd etlich jar Würtzburgi-  
fcher Hoffmayfter/ Auch ein zeyt lang Rómifcher Kay. May. Regiments  
beyfitzer gewefen/ Vnd als Brandenburgifcher Landhoffmaifter iñ Fran-  
cken geftorben 7c. Hat er fonft/ zů der zeit gewonlicher rűw/ mit fchreybē/ le-  
fen/ vñ fchriffgedichtē wenig gefeyrt/ Wie d3 alles iñ erfter Vorred vber die  
Officia Ciceronis (auch durch jñ/ den Herrn von Schwartzenberg/ wie  
nachuolgende Ciceronifche bůchle/ iñ fein Teütſch bracht) merers jñhalts  
anzeigt worden 7c. Dañ wie jetz gemelt/ vñ iñ difem bůch gefehen/ hat er nit  
allein folche/ fonder/ vil mer Ciceronifche/ vñ ander trefflicher Lateinifcher  
Auctor 7c. bůchle/ all verteütſchen/ vñ die felb iñ fein/ auch alfo iñ Fránckifch  
hoffteütſch bracht/ Sonder er hat auch nachuolgende/ vnd ander vil mer  
bůchle/ gefchriben vnd gemacht. Vñ fo hyeuor d3 erft tayl folcher Schwar-  
tzenbergifchen fchrifftarbeyt/ Námlich (wie yen anzeigt) die verteütſchten  
Officia Ciceronis außgangē/ So foll d3 iñ dem namen Gottes/ zů folches  
lob/ auch allen Teütſchen zů gůtem/ Vñ befonder den leybßnachkoñen fol-  
chs herrn vō Schwartzenbergis fáligen/ zů befferer vorpildung/ als der an-  
der tayl der Schwartzenbergifchē fchrifftarbeyt/ hiemit iñ druck außgeen.  
Vnd wils Gott d<sup>9</sup> allmáchtig/ fo foll auch der drit tayl folcher Schwartz-  
bergifchen fchrifftarbeyt/ fo bald es fűglich fein kan/ auch zů druck gebē wer-  
den. Yedoch foll ein yeder Chriftlicher fruñer lefer/ hiemit deß auch erin-  
nert fein/ d3 an jm felbft/ on allen zweyffel/ Gott dem allmáchtigē vil ange-  
nemer/ auch yedes feel vil nutzer were/ fo für all ander fchrifften/ allein das  
haylig Götlich gefchriben wort (fo wir in der Bibel haben) gelesen wurd.  
Auch was nachuolgend vō den heyligen/ gemaynen vñ angenoñen lerern  
der hailigen Kirchen/ gefchriben/ Auch w3 ſich mit folchē fchrifften vergley-  
chet/ Vnd alles ye nāher der Bibel/ ye beffer/ auch noch beffer/ d3 auch vnser  
werck folchen Götlichen vñ gotßgefálligen fchrifften/ ſich vergleychen. Vñ  
gefchicht kaim/ d3 ainer der für vñ für leychtfertig fchrifften/ gehõr vñ wort  
gebraucht/ d3 der felb Gott gefállig vnd tugentſam leb. Alfo wer genaygt  
ift/ Götliche vñ tugentreiche ding zů lefen/ zů hõrn/ vñ zů reden/ deß gemůt  
vñ werck/ fein oder weren doch Got gefálliger vnd beffer. Dañ wie Sant

Pauls spricht/ Alles dz geschriben/ ist zů vnser leer geschriben/ auff das wir  
durch gedult vñ tröftung d<sup>9</sup> schrift (verstehe der Götlichen) hoffnung ha-  
ben/ Aber Gott der gedult vñ d<sup>9</sup> tröftung/ geb euch ainerlay zůuerfteen gegē  
eynander/ nach Jefu Chritto/ auff das jr einmütig/ auß einem mund/ Gott

ij eheret

2<sup>v</sup>

## Vorrede.

eheret/ den vatter Jefu Chrifti/ Daruñ nempt an eynder auff/ als euch Chriftus auffgenom̄en hat/ zů der eher Gottes 7c. Auß dem abzůnemen/ dz Sant Pauls vns zů Gůtlicher ſchrifft vñ ainigkait der ſelben/ vñ zů mitley dung vnfers nãchſten vermant/ Nit das ein yeder dz wort Gotes (wůlchs wie Sant Hieronymus ſpricht/ als ein perle aller ort durchzůporn ift) nach ſeinē aygen ſyñ außleg. Dañ wie auch Tertullianus ſchreybt/ dz auß ſonderer Gůtlicher fürfehung ḡchehen ſey/ dz die gůtlichen Bibliſch ſchrifftē/ den ketzern materi geb zů diſputieren/ Wie auch ſant Pauls ſpricht/ Es müſſen ketzerey ſein 7c. aber anderßwo/ Jr ſolt ewern verſtand fahē 7c. Daruñ ift das hochlůblich feelreych gotßwort emfig zůlefen/ Vñ geſeſen wie gehůrt wol zůbrauchen/ Damit vns nit/ auß eytler leſung der Haydnifchen/ vñ ander weltlicher ſchriſſten/ wie dem hayligen Hieronymo (als er ſelbſt zů der junckfrawē Euftochio ſchreybt) geſchehe/ Dañ er zaygt an/ als er zů Rom vor Jarn/ ehe er gen Hierufalem zogen/ mit ſonderm fleyß allerlay bůcher zůwegen bracht/ Vnd volgendz zů Hierufalem/ Got zů dienen/ jm außewůlt/ Hab er auch bißweylen Ciceroniſche/ vnd ye die Comedi Plauti geſeſen/ der ſchreyben jm baß/ dañ der gůtlichen Propheten gefallen. Vnd als jn yetz zů Mitterfaſten ein tůdtlich Fieber angeſtoſſen/ das auch jm/ was zů der begrãbtneuß gehůrt/ zůgericht worden/ Sey er im̄ geift/ mit gewalt/ für ainen Richterfüł zogen worden/ da ein ſolchs liecht vñ klarheyť/ der vmbftãnden gewefen/ das er auff die erden gefallen/ vnd nit auff ſehen dōrffen. Sey er gefragt wordenn/ was ftands er ſey/ Hab er geantwort/ er ſey ein Chriſt/ Aber der/ ſo ob andern im̄ ftůł geſeſſen/ jhm geantwort/ Du leůgſt/ wann du biſt Ciceronianus/ vnd nit Chriſtianus/ Dann da dein ſchatz/ da ift dein hertz. Auß ſolchem/ ſey er Hieronymus/ gar erftumpt/ Vnnd nach dem/ der im̄ ftůł jhn ſchlagen gehayſſen/ Vnnd er alfo geſchlagen worden/ auch jhn ſein aygen gewiſſen mehr/ dann ein feür gepeynigt/ Hab er diſen verß bey jm ſelbſt bedacht/ O herr/ wer wirt dich in d<sup>9</sup> hůll bekeñen. Vñ angefangen zůſchreyen mit hãller ſtym̄/ Herr erbarm dich mein 7c. Jñ ſolchem ſeyen die andern vñlſteher nidergefallen auff jre knye/ vñ gepetten/ auff dz ſeiner jugent vñ verjrrung ftatt zů der bůß geben wurde. Vñ dz er kůnfftig wol gepeynigt werden ſolt/ ſo er yñmermet der Hayden bůcher leſe/ Vnd er iñ ſolcher not begyrig/ noch ein merers zůuerhayſſen/ hab angefangen ſich ſelbſt zůuerflůchen/ Gottes namen zůbezeügen/ vñ gefagt/ Herr/ wůrd ich vñmermer weltlich bůcher haben/ vñ die leſen/ ſo ſoll ich dich verlaygent haben? Jñ ſolchem geſchwornē ayd/ ſeye er erlaſſen/ vñ wider zů den lebendigē kom̄en/ dz ſich jederman verwůdert/ Als er die augen auffgethon/ die auch alfo mit zãhern vmbgeben gewefen 7c. Vnd ſeye ſolchs kein ſtarcker ſchlaff/ noch vergebner traum (wie wir offt/ ſpricht Hieronymus/ betrogen wer=

den) gewefen. D3 foll jm ein zeüg der Richterftül/ daruor er gelegen/ vñ d3  
traurig gericht fein/ d3 er gefürcht. Er hab auch verfert ſchultern gehebt  
vñ die ſtraich/ nach dem ſchlaff empfunden 7c. Auff folchs er volgends/ mit  
folchem fleyß/ die Göttlich gefchrifft/ wie vor die weltlichen/ gelesen hab 7c.  
Vnd wiewol Eraſmus Roterodam/ der fonft vil vō den ſchrifftten/ fo vor  
Hiero<sup>z</sup>

3<sup>r</sup>

## Vorred.

Hieronymo zûgefchriben/ abtaylt/ Vnd doch dife fchrifft bleybē laffen muß  
 fen/ Solche gefchicht durch andern Hieronymen fchrifftē/ zû eym eyttlen  
 traum machen will/ So erweg doch der lefer/ die wort Hieronymi felbs.  
 Vnd ift wol war/ vnd vil beffer/ die götlich fchrifft/ dann weltlich zû lefen/  
 So feind doch folch weltlich fchriften/ auch zweierlay/ Dann die fo voller  
 leichtfertigkeit (der maiften in latein/ vnder den Poeten fchrifftē fint/ vñ  
 was fich mit folchen im teüfchen vergleicht) die find wider fungen noch al  
 ten zû lefen nutz/ Vnd wolt gott/ fonderlich fouil der leichtfertiglich (schrei  
 ben) die fchrifftē wurden all verprant. O der doch/ ob die jrer lieblichkayt  
 halben im Latein/ dye jugent damit/ zû beffern künften zûbringē/ nit gar zû  
 uertilgen fein solten/ Sy wurden durch ein fruñen Chriftlichen vnd geler  
 ten poeten/ alfo/ vñ der vnfauberkait der lafterfchrifft (wie wol fein môcht  
 abgefeubert/ vñ in ein folche form bracht/ dz auch die zart jugent/ vnuerfert  
 jrer reynen hertzen/ die lefen/ vnd gelert werden môchten. Dergleichen ach  
 te ich von allen andern fchrifftē/ Sy weren Lateinifch oder teüfch/ wel  
 che nit gereinigt/ vñ gebeffert werdē môchten/ dz all wie das gold/ durchs  
 fewr gereinigt wurden/ Dañ exemples weiß zûfetzen. Wólches reins hertz  
 lung oder alt/ weibs oder mans perfon/ môchte das vnfauber vnrain bûch  
 genent/ on böß gedanckē lefen? Widerum/ wer wolt nit gebeffert/ od<sup>9</sup> doch  
 zû andacht bewegt werdē? So er d<sup>9</sup> aluâtter bûch (durch den hailigen Hie  
 ronymū gfchriben/ welchs die Chriftlich kirch mit allē eeren/ angenomēn)  
 lese? Es môcht fein/ man muß bißweilen die tugendrit (vñ zûuor den tu  
 gētberg biß auf die hōhen/ da er eben/ vñ gûts ftands ift/ zûerfteigē) die jū  
 gen/ auch die vnuolkomen alten/ alfo/ wie die kinder/ durch geend Jnftru  
 menten/ auff vādlin/ darinn fy fteen/ vnd zogen/ oder gefürt werden/ alfo  
 zum geen gewent/ mit mittelmeffigen fchrifftē (darzû die Ciceronifchen/  
 vñ dergleichē/ vol aller tugentler) gût fein anfenglich bewegē/ vñ wie S.  
 Paus fagt/ die fchwachen erftlich mit milch fpeifen/ Damit mā auß erkant  
 muß vnd lieb der tugent/ zû gott die hertzen bereit mache/ Vnd nach folchen  
 tugentfchrifftē/ auch von Heiden/ oder fonft zeitlich befchriben/ zû der lieb  
 volkuñener hailiger fchrifft/ vnd lebens/ geraitzt/ vnd eingefürt werden.  
 Got der almechtig/ durch fein eynigs ewigs wort/ erleucht vns allen vnfe  
 re hertzen/ das wir hie/ all vnfer finnen/ reden/ lefen/ vnd werck/ zû feinem  
 lob (in Englifcher fridwünfchung/ auß gûtem willen) geprauchē/ vnnd  
 nach difem freytparen/ dort das ewig leben erlangen/ Amen.

Der lefer/ nachuolgens Ciceronifch leben/ auch feiner drey verteüfch  
 ten bûchle/ foll wiffen/ das Herr Hans von Schwarzenberg fäliger/ je biß  
 weilen zwifchen den text/ aigne wort/ beffers verftands halben/ eingemi  
 fchet/ Vnd folchs zû erkennen/ hat er im anfang feiner wort/ ein<sup>9</sup>/ zû bedeu

tung der glos/ vnd am end ein/ / das da der text wider anfacht/ gefetzt.

Es sollen auch alle wörter/ in nachuolgendem büch/ in Fränckischen hof  
teütfchen (dann wo bißweilen des reümwercks halben/ in folche anderlen  
dife wörter/ gefetzt werden haben müffen) Auch was der teutfchen reü-  
men feind/ der jeder allein/ in acht fylben fteen/ vnd gedruckt werden. Aber

ij        wiewol

3<sup>v</sup>

## Vorred.

wiewol difer kunftreich Bûchtrucker/ vor andern folcher kunft/ im Teütſch land/ gefchickt/ vnd fleißig erkent/ vnd gefehen wirt/ ſo kan es doch nit gar fürkōmen/ Es werden bißweilen vberig/ oder ander vocal/ vnd bûchftaben/ im drucken gebraucht/ Darzû das in reümē/ vberig/ oder zû wenig vocal/ auch ander bûchftaben gedruckt/ dardurch die wörter/ auch die zal/ der acht fylbeten reümen/ verendert. 7c. Ein yeder verftendiger fleißiger leſer/ hat folchs felbs zûerwegen/ vnd ob er will zû ändern. Dañ zeit vnd ftat hat nit geben/ das yedes erftgedruckts blat (wie oft gefchicht) von dem der folchs bûch in druck verordnet/ het mögen vor gantzem druck erfehen/ vnd geendert werden.

Anzaigung/ So Herr Hans vō Schwarzenberg fälber felbs/ zû nachuolgender verteütſchung der Rōmiſchen ämpter namen/ gefelt.

ES ift auch zû mercken/ Dieweil eins thayls Rōmiſche ämpter/ der etliche oft in nachuolgendē verteütſchten bûchlen berürt worden/ difer zeit nit in vbung/ oder welen feind/ Vnd einem yeden folche namen/ mit einem/ oder zweien worten/ on weytere außlegung vnd vmbſchreybung/ keyn bequemlicher/ vergleichlicher teütſch/ gegeben werden mag. Das darumb die namen der ſelben ämpter/ an allen enden/ wie ſy in nachuolgenden bûchlen ſteen/ vnuerwandelt gelaffen. Aber was eines yeden folches ampts aygenſchafft/ bey den Rōmern geweßt/ vnd durch etliche in Lateiniſcher ſprach kürtzlich beſchriben/ vnd außgelegt worden/ Jft auch nach kurtzer maynung/ verteütſcht/ als hernach volgt.

D2<sup>v</sup>

Vorrede.

Ein fondere Vorrede/ zů nächft  
nachuolgendem verteütſchten  
Büchlin (wólchs Cicero/ iñ Latein/ vom Al-  
ter gefchryben) verordnet.

NAch dem leben Ciceronis/  
ift gar wol vnd ordenlich zůlefen/ was auch Cice-  
ro/ von dem tróftlichen lob des Alters/ gefchriben.  
Wie auch Cicero mit feinem fterben bewyfen/ das  
jme fein alter/ mer ergótzlich/ dann befchwárlich  
geweßt 7c. Wólchs Büchlein der vorgeandt  
Herr von Schwartzenberg/ vnder allen Cicero-  
nifchen büchern/ feinem brauch nach/ dermaffen/  
durch andere arbeyten laffen/ vnd nach gearbeyt. Námlich hat er/ der Herr  
von Schwartzenberg/ vil Jar/ einen fruñen/ eherlichen/ gegen Gott vnd  
zeytlich/ wolgelerten Priefter/ genañt herr Hans Neüber/ zů Schwartzen-  
berg/ vnd anderßwo Capelans weyß/ auch auff ainer Meß/ gehabt. Der  
auch fein/ deß von Schwartzenbergs/ jünger Sün Preceptor vnd Leer-  
mayfter/ etlich zeyt gewefen. Wólcher Herr Hans Neüber/ auch heütigs  
tags lebt/ vnd yetz fein wonung bey der ftatt Tettnang (dem Herrn Graff  
Haugen von Montfort vnd Rotenfels 7c. zůgehórig/ auff einer Meß da-  
felbft inn Sant Anna kirchen) hat. Wólcher Priefter/ bey zeyt deß Herren  
von Schwartzenbergs leben/ alfo vmb vnd bey jm gewefen/ vnd ſich der-  
maffen gehalten/ das der Herr von Schwartzenberg mermals mit war-  
heyt angezeygt hat/ das folcher Priefter/ der gefalt bey jm gelebt/ das kain  
menſch mit warheyt het reden künden/ das er/ Herr Hans Neüber/ ye jchts  
eufferlichs/ inn fichtigen wercken/ gehandelt/ das jm zů einer Todtfund het  
außgelegt werden mógen 7c. Darumb er dem Herren von Schwartzen-  
berg/ auch allen denen/ fo vmb jn gewonet/ vnd noch wonen/ falt angemen  
vnnd lyeß. Wólcher herr Hans Neüber/ auff anſynnen feins Herren von  
Schwartzēbergs (dem zůuor ein vbeluerteütſcht Ciceronifch büchlin vom  
Alter/ zůhanden komē) wideruñ auß dem Latein ein neue verteütſchüg  
gemacht/ Die verteütſchung volgends durch den Herrn von Schwartz-  
enberg/ wie gefehen wirt/ dem ſyñ nach iñ Hoff fránckifch Teütſch gebracht/  
Auch darzů etlich Figur vnd Reümen (feinem gebrauch nach) gefelt vnd  
gemacht. Vnd folchs nach feiner verteütſchung wider/ dem von Hutten 7c.  
(wie auch iñ nachuolgender Vorred gemelt) zůüberfehen geben 7c. Vnd  
das ift hye billich von herr Hanfen Neübers wegen gemelt/ damit nit al-  
lein fein arbeyt (mit folcher vnnd ander verteütſchung/ auff feins Herren  
begern beſchehen) Sonder auch feyn lobwürdig wefen/ zů widerlegung

ORDA16 D524

Vorreden: 2<sup>r</sup>–3<sup>v</sup>; D2<sup>v</sup>–D3<sup>r</sup>; D3<sup>v</sup>; G4<sup>v</sup>; G5<sup>r</sup>; L4<sup>v</sup>; L5<sup>r</sup>; Ee1<sup>r</sup>

feiner mhû/ angezeygt werde.

Eins

D3<sup>r</sup>

Vorrede.

XXI

Ains ist auch hie bey dem Büchle/ vom Alter/ deß Herren von Schwartzberg wegen/ zûmelden. Welcher vnuerhaltē (wie offft/ vñ funderlich die hofleüt thûn/ So beforgen/ sie müffen jrs alters halben/ bald von hof/ vnbedacht/ des gemeinen sprichworts) 7c. sein alter/ von wem er gefragt wurd/ Auch inn den letften Jaren/ frölich bekennet/ Vnnd sprach offft. Jch vertraue dem almechtigen Gott/ Jch wer nymmer als alt/ das ich wolt das ich jünger wer/ On zweyfel damit gemeint/ das alter ein troft/ bald küfftiger erlöfung/ aller zeitlicher geprechlichkeit/ vñ belonung/ auch zû näherung/ des ewigen vatterlandts zûsein. Das auch der Herr von Schwartzberg/ nit allein zû der zeit seiner gefundtheyt erzeygt/ funder auch als er yetz am todtpeth gelegen/ vnd sein sterben dermassen entpfunden/ Das ihm auch (wie bißweylen geschicht) die eufferen glider/ vornen zû/ krafftloß worden/ vnd wie man spricht/ geforbē. Hat er also/ sein rechte handt krafftloß gehebt/ vnd angefehen/ das sein Artzt/ vnd andere war genommen/ darauff jhn gefragt. Ober den fürcht? Hat er geantwort/ Nein/ aber er hab sorg auff den schmerzen des sterbens/ Welchen schmerzen ihm Gott der allmechtig also kürzt/ das er das obertheil seines leybs/ etwas auß dem beth/ darinn er gelegen/ erhebt/ Vnnd da einer seiner diener/ jhn angreifen/ vnnd halten wöllen/ hat er gefagt. Laß mich/ vnnd gleich sich wider ins peth gelegt/ vnnd wenig züg gethon/ auch also wie man sprechen möcht) fenfftlich als bald verschiden. Gott der allmechtig gebe jm/ vnd vns allen/ das ewig leben.

Es ist auch difes nachuolgends verteüfchts Ciceronisch Büchle/ vor Aylff Jaren/ aber der massen getruckt/ das vil wort vnd syñ/ dem Exemplar vngemeß gefunden. Darumb das auch/ zû befferem truck widerumb gebunden worden.

D iij Die

D3<sup>v</sup>

Vorrede.

Die Vorrede des verteütchers/ inn  
diß büchlein/ das Marcus Tullius Cicero vom  
Alter gemacht hat.

WAs mag troftlichers erfunden werden? dann das gegenwertig  
oder baldkünfftig alter/ vnnd vnuermeydenlich endung vnfers  
zeytlichen lebens (welchs nach gemeinem won der menfchen  
faft graufam ift) frölich vnd nutzlich anzünennen. Darauff diß  
büchlein durch Ciceronem/ als ob etlich ander perfon daruon difputieren/  
inn Lateinifcher fprach gemacht vnnd gegründet ift. So aber den Teütch  
en/ die verftands Lateinifcher fprach mangeln/ vn̄ zũ tugentlicher vnder  
weyfung begirig feind/ die felben Lateinifchen büchftaben nit mer/ weder  
vngefchriben papir/ anzeygen künden. Wiewol dann hieuer durch etliche  
die es on zweyfel auch gũt gemeint/ obgemelt büchlein von worten zũ wor  
ten inn Teütche fprach pracht. So ift doch dadurch der recht fyñ/ derma  
fen verduncket/ das die lefer gar wenig lufts vnd verftandts daruon ha  
ben mögen. Datumb Gott dem Almechtigen zũ lob/ vnd fürderung gemei  
nes nutz/ Der Würdig Herr Johañ Neuber Capelan zũ Schwartz  
berg/ auff funderliche bitt Herren Johanfen Freyherren zũ Schwartz  
berg/ der zeit Bombergifchē Hoffmeyftern/ das felbig löblich büchlein vom  
Alter/ auß Latein inn Fränckifch Teütch/ vnd nit von worten zũ wor  
ten/ funder von fynnen zũ fynnen verwandelt hat/ vnnd nach  
mals durch den Hochgelerten vnd Eern veften Vlrichen  
von Hutten zũm Steckelberg/ Poetam Laureatũ  
corrigiert/ vnd wes er mangels darin  
nen erfunden/ gepeffert. Als mā  
nach Chrifti vnfers felig  
machers geburt zelet  
1522.

G4<sup>v</sup>

Vorrede.

Zũ dem druck/ Nachuolgendem verteüt.  
 fchten Büchle Ciceronis (das der Tod nit zũfürchten/ vnd  
 die menfchlich Seel vntödtlich feye) ein  
 verordnete Vorred.

MArcus Tullius Cicero/ hat  
 in feiner wonung zũ Tuſculano/ fünff bücher diſ  
 putierlicher weyß/ als von perſonen zũ perſonen  
 geredt/ beſchriben. Das erft/ wie der Tod nit zũ  
 fürchten/ vnnd die menfchlich Seele vntödtlich  
 feye 7c. Wölchs auch herr Johaņs von Schwar  
 tzenberg fäliger/ durch vilgenañten feinen Cap  
 pellan/ herren Hanſen Neüber 7c. verteütſchen  
 laffen/ vnnd volgendts (wie anders) inn fein Teütſch gefelt/ als hernach  
 gefehen wirdt. Vnd dieweyl hieuor/ das leben/ auch das büchlin vom Al  
 ter Ciceronis/ verteütſcht/ hie gedruckt worden/ Kundt nichts füglichers  
 volgen/ dann nachgefetzts büchlin Ciceronis/ das der Tod nit zũfürchten/  
 vnd die menfchlich Seel vntödtlich feye.

Vnnd ift zũmercken/ Das vnder den verteütſchten/ deß Herren vonn  
 Schwartzzenbergs fäligen/ Ciceroniſchen büchlein/ werden noch nit mer/  
 dann difes/ vnd das erft/ Auch das ander/ vnd das letft/ das ift das fünfft  
 büchlin/ zũ Tuſculan diſputiert/ gefunden. Zũ gedencken/ das die anderen  
 zway/ das ift/ das dritt vnd vierdt/ verlorn/ oder der dreyer verteütſchten  
 büchlin jñhalt (nach dem yedes der fünff büchlin/ ein ſondere materi be  
 rürt) jme dem Herren vonn Schwartzzenberg/ am baften gefallen haben.  
 Aber wiewol auch/ das ander/ vnd fünfft büchlin/ vol tugentreycher leer/  
 vnd ſich wol nach difem zũdrucken gepürt/ So ift doch folche verteütſchüg  
 (wie ander deß Herren vonn Schwartzzenbergs fäligen/ nachgearbayte  
 büchle) alfo/ durch fein aygne handſchrifft/ gemert/ gemyndert/ vnd ver  
 ändert/ Das folche eyl halben des Truckers/ nit ftattlich Correct ab  
 geſchriben/ vnnd zũ difem druck gefertigt werden mögen. Da  
 tumb folche büchle/ zũ künfftiger ander/ deß Herren von  
 Schwartzzenbergs fäligen ſchrifftarbayt/ behal  
 ten. Vnnd wils Gott/ zũ bald künfftiger  
 zeyt/ gedruckt werden follenn.

Ein

G5<sup>r</sup>

Vorrede. XLI

Ein Büchlin Ciceronis/ zů Tufculano  
difputiert/ Das der Tod nit zů fürchten/ vnnd die  
menfchlich Seel vntödlich fey.

Vorrede von der verteütlichung  
diß Büchlin.

MArcus Tullius Cicero/ hat bey  
Rhom ein luft hawß gehabt/ Tufculanū genañt/ dafelbft  
er etliche fachen/ inn der fytlichen Philofophey difputiert  
vnnd gelert. Die felben difputation vnd lere befchryben/  
vnd in funff bücher gethailt hat. Vnd beweret in folchem  
feinem erften büchlin/ das die menfchlich Seele/ nach diß  
fer zeyt ewiglich vnd feliglich lebe/ Darumb des leylichen todes/ der die  
Seele auß folchem jrrdlichen kercker/ inn ewige fälige wonung fůre/ billich  
faft begert werde. So aber die Seele mit dem leybe (wie etliche Philofo-  
phi thörlich halten) vergehe/ dz fie als dañ kaines vbels oder argen/ gewer-  
tig oder befindtlich/ vnd deßhalb der tod nit zů fürchten fey. Alles mit ein-  
fürung vil vernünfftiger vrfach/ fprüch vn exempel/ die vertendigen leüten  
von Cicerone/ als einem Hayden/ der des liechts wares Chriftlichen glau-  
bens gemangelt/ fonderlich wider vnordenliche forcht des todes/ tröftlich  
vnd befferlich zůhören fein. Darumb obgemelt erft Büchlin Ciceronis/ der  
würdig herr Johañ Neüber/ Cappellan zů Schwartzenberg/ vnd mittel-  
melfer zů Marcktſcheinfeld/ auff bitt feines Herren/ herrn Johanfen Frey-  
herren zů Schwartzenberg 7c. der zeyt Bambergifchen Hoffmaifters/ auß  
Latein in teütlich von fynnen zů fyñen/ vnd nit von worten zů worten (wie  
hernach volget) bracht hat. Nach Chrifti vnnfers fäligmachers gepurt/  
Fünfftzehen hundert vnd im zwayntzigften Jare.

Ciceronis Vorrede.

ALs ich von der arbeyt/ andere zůbefchützen/ vnd den ämptern  
die den Senatoribus gepüren/ gentzlich/ oder zům größtenn  
tayl/ mit der zeyt/ erledigt warde/ Hab ich/ O Brute/ angefe-  
hen dein beger/ vnnd mich zů dem fleyß der künfft/ die ich vor-  
mals in meinem gemüt begriffen (vnd etlich lange zeit zů rugk gelegt het)  
wider begeben. Dieweyl aber die form vnd lere aller künfft (die die wege  
rechts lebens anzeygen) in der lyebhabenden weyßheytt (Philofophia ge-  
nañt) begriffen feind/ Hab ich für gůt angefehen/ die felben künfft/ in Latei-  
nifcher fprach/ auch zů erkleren vn bekañt zůmachē/ Nit darūm/ dz die künfft  
der weyßheytt/ in Griechifcher fprach vn lerern/ nit verftanden werdē mög/

fond<sup>9</sup> ift alle zeit mein bedenckē geweßt/ dz vnfer Lateinifche alle künfft bey jn  
felbft weyßlicher weder die Griechen erfunden/ Oder wo fie etwz von den  
Griechen

L4<sup>v</sup>

Vorred.

3û dem verteütchten Bûchle Ciceronis/  
von dem lob/ der Menſchlichen freüntſchafft beſchriben. Jft  
Nachuolgende kurtze vorred/ 3um trugk gefelt

SO wir hieuor/ nach dem lebenn Ciceronis/ das trôftlich  
lob von dem alter/ Auch das der tod nit 3û fürchten/ vnd  
die feel vntôdtlich feye geſehen 7c. Volgt bequemlich her=  
nach 3û fehenn/ was in der 3eyt menſchlichs lebens/ den  
menſchen am angenâmften Dann warlich/ 3eytlich 3ûre=  
den/ ift nichts dem menſchen trôftlicher/ dann die freündt  
ſchafft des nechſten. Der entweycht auch billich 3eytlich eeer/ gûtt/ vnnd  
ander 3ergenglich glück. Dann hoher ſtand/ groffe eer/ vnnd Reych=  
thumb/ on freündtſchafft/ geben vrfach 3û fonderm haß/ verfolgung vnd  
nidertruckung/ das ift menigklich wiſſen.

Yedoch/ Dieweyl Cicero/ als ein Hayd/ allain 3eytlicher vrfach halben/  
die freündtſchafft 3ûm hôchſten erhept 7c. So ſollen wir Chriſten/ ſolliche  
lieb/ vnd freündtſchafft/ nit allain vns hie/ fonder auch dort/ vnd inn ewig  
kayt erfprießlich machen/ Wie ſolches new gepot/ der lieb/ vns Chriſten (al  
lenthalben inn Euangelifcher leer) an3aygt wirt/ vnd alfo inn Gott/ vnd  
vmb Gottes willen/ von mânigklich freundtſchafft 3û haben/ vnd geliebt  
3û werden/ auch widerüb yederman/ von Gotes wegen (auch vnſere fein  
de/ 3ûlieben/ vnd freündtſchafft jnen 3ûbeweyſen/ vns fleyſſen. Alfo mü  
gen wir hie 3eytlich/ vnd dort ewig inn freüden leben 7c.

Das auch ohn 3weyfel/ Herr Hanns von Schwartzenberg fâlinger/ be=  
dacht/ vnd nachuolgends Bûchle/ vor verteütcht/ inn fein Teütſch gefelt/  
wie hernach geſehen wirt/ Gott der Allmächtig verleyhe vnns/ die  
freündtſchafft der gûten/ vnd behût vns vor böfer feyntſchaft  
fonderlich feiner vngnade/ auff das wir hie gegen ein  
ander fein gepot der freydenreichen lieb/  
vnd dort das ewig leben/ mit  
anderen auferwôl=  
ten/ erfüllen.

Das

L5<sup>r</sup>

Das büchlein/ fo Marcus Tullius  
Cicero/ von der Freüntfchafft gefchriben hat.  
Die Vorrede der verteütſchung  
halb diß Büchlin.

DJß Büchlin hat Marcus Tullius Cicero/ vō d<sup>o</sup> Freüntfchaft in  
zierlichē latein/ zū Tito Pompeio gefchribē/ vñ darinnen Lelius  
(der vormals in einē and<sup>o</sup>n büchlin/ d<sup>z</sup> obgenäter Cicero/ vō al-  
ter gemacht) als ein fragēder jüngling gefetz/ für einē altē/ wey-  
fen/ fromē vñ beftendigē mā/ dergeltalt eingefürt/ als ob er mit feinen zweyē  
dochtermāñern (Nemlich Fañio/ vñ Quinto Mutio) nach abfterbē deß letz-  
ten Scipionis Affricani/ jrs beftē freunds/ vō warer freüntfchafft/ auch d<sup>o</sup> fel-  
bē rechtē aigēfchafft rüm vñ lob/ difputier/ vñ anzeigüg gebe/ Als hernach auß  
fólcher Ciceronifchē befchreibung fundē wirt/ Wieuil aber/ allē gefchlechtē d<sup>o</sup>  
menfchē/ an warer rechter fraintfchafft/ vñ ainigkait gelegē ift/ erfcheinet gar  
klerlich auß dē widerwertigē/ als der feintfchaft/ vñ dē kriegē/ fo ſich laider tåg-  
lich/ nit allein mit dē vnglaubigē/ fond<sup>o</sup> auch vnd<sup>o</sup> dē Chriftlichen heüptern/ vñ  
menfchē/ dermaßen zūtragē/ vñ eraignē/ dadurch d<sup>o</sup> Türck dē Chriftlichē volck/  
in kurtzer zeit/ fo groffe macht abgeraubt/ vñ in dē nechft vergangnē fomē/ dē  
künig vō Hügern/ groffen abbruch vñ ſchadē gethō. Auch fond<sup>o</sup>lich kriechifchen  
Weiffenburg/ darā die befchützüg fólchs künigreichs gegē jm nit wenig gelegē  
ſampt etlichē and<sup>o</sup>n dabey gelegē/ gütē ortfleckē/ mit gewalt erobert vñ beſetzt  
hat/ got d<sup>o</sup> allmechtig geb/ d<sup>z</sup> es auf die künfftigē wetertåg/ beffer/ vñ nit böfer  
werde. Wie dan Chriftus vnſer ſeligmacher alle Prophetē/ vñ d<sup>z</sup> gantz gſetz/  
auf götliche/ vñ gleicherweiß deß nächftē lieb vñ freüntfchaft/ grūdē/ findē wir  
in feinē heyligē Euangelijs offenbārlich. Zū dē/ d<sup>z</sup> funft die alt vñ new gefchri-  
bē götlich ehe/ nach brūd<sup>o</sup>licher liebe/ frid vñ fraintfchafft/ fo vilfältig vñ dref-  
fenlich gefchicht/ Hat got d<sup>o</sup> allmechtig fólches/ in die natürlichē vernufft d<sup>o</sup> altē  
weiße haydē (wie diß büchlin gezeügknus gibt) nebē and<sup>o</sup>n ſitlichē tugedē/ auch  
bildē wöllē. Vñ dieweil nun der wirdig herr Johañ Neüber/ Capellō zū Sch-  
warzenberg/ vñ mittelmefſer zū Marckſchweinfeld/ auf beger/ vñ bitt feins  
herrn dafelbft/ vormals etliche andere Ciceronifche büchle mehr verteütſcht/  
Damit dan vil fromē Teütſcher (die deß verftāds Lateinifcherſprach mang-  
lē) diſe Ciceronifche ſitliche vnderweyfüg/ vō warer freüntfchafft zū jrer be-  
ferüg/ auch nit verporgē bleibe/ hat er diß büchlein/ auff dergleichē beger/ ſei-  
nes vorgedachten herrn zū Schwartzebergs/ vō ſinnē zū ſinnē/ vñ nit vō wor-  
tē zū wortē/ wie vormals durch etliche andere (zū vnuerftand vñ vnluft dē le-  
ſtern beſchehē (auch verteütſcht. Nit daruñ als ob derhalb/ andere vilfältige  
heylige ſchriſtten/ zū diſer vñ dergleichē tugendē vngenügſam ſein ſolten/ Sō  
der d<sup>z</sup> dabey vermerckt werde/ wie Got der allmechtig/ diſe vñ andre ſitliche  
tugent/ in die natur/ der altē weyfen haydē/ auch hab bildē wöllē/ Der hoff-

nūg/ d3 darūb etliche newe ſchreiber (die diſe vñ dergleichē ſitliche heydnifche  
leere/ leer verachtē vñ verwerffē) ſich darab nit ergern/ Sond<sup>9</sup> durch gōtliche  
verleihūg/ vil gūter mēſchē/ nach art der pynlein/ vō d<sup>9</sup> plūmē/ darauß die ſpiñ  
giffet zeücht/ hōnig faugē werdē/ Amē. Vñ iſt diſe verteütſchūg/ alfo got zū lob  
vñ vñ beſſerūg willē d<sup>9</sup> menſchē/ volent wordē. Im jar als mā nach vnſers ſā-  
ligmachers gepurt/ Fünffzehenhūdert vnd zwey vnd zweintzig jar zelet.

Ee1<sup>r</sup>

Befchluß dis Bûchs.

Ich bin gleichwol willens ge  
wefen an diß bûch/ als an dē mitlerē teil/ d<sup>9</sup> Schwar  
tzenbergifchen schrifftarbeit/ merers/ vilgemeltē vn  
feren Johanfen von Schwartzenberg 7c. fâligen/  
belangend/ anzûhencken/ vnd inn druck zûgeben/  
Aber das foll (ob Gott will) zû dem letztern theyl/  
der Schwartzenbergifchen Schrifftarbeyt behal  
ten werden. Vnd dieweyl je bißweylen/ fo ein  
schôner von Natur gezielter paum gefehen/ des abmalung/ vnd mehr die  
frucht felbs/ zûfehen begert werden. So daß auch hievor/ die nachpildnüß  
vnfers herren Johannfen fâligen/ inn den verteütchten Officijs Cicero  
nis/ gedruckt worden/ hab ich folchs/ feinen liebhabern/ Widerumb zûm  
Befchluß deß Bûchs/ mit etlichen Teütchen Reymen (die er/ der Herr vō  
Schwartzenberg fâligiger/ auff ein ander Bûchle gefchriben/ dauon inn der  
dritten Schwartzenbergifchen schrifftarbeit/ wills Gott/ mer anzeygung  
befchehen foll/ trucken laffen.

Vnd entgegen folchs herren Johanfen/ nachpildung/ ift auch ein gmâl/  
mit Lateinifchen worten/ vnd verfen gedruckt worden. Wôlches Epita  
phi/ zû heylwertiger angedenckung/ Sein mitler Sun/ Herr Paulus/  
damals zû Cöln/ Bomberg/ vñ Würtzburgk Thûmherr/ yetz auch Probft  
zû Hayg/ bey Würtzburgk 7c. Als ein fcheinbarliche gûte frucht/ folchs  
paums gemacht vnd gefelt. Der auch on zwyfel (nachdem er inn Latein/  
auff teütchen vnnd außlendifchen hohenfchûlen/ wol ftudiert/ fein tag  
nit eyttel/ funder Gott gefellig/ vnd ehrlich befchlieffen wirt. Das hab ich  
gûter meynung/ zû ehr vnfers Herren Johanfen fâligen (nach dem der  
paum vil nach den frûchten gelobt wirt) auch feinen Herren Johanfen. 7c.  
anderen leibfnachkommen/ zû befterer anmanung gleich wol vnuergün  
nûg/ vñ onuorwissen/ fein Herren Paulfen 7c. zû end vñ befchluß/ diß teils  
drucken laffen wôllen. Damit feye diß Bûch/ inn dem namen/ deß al  
mechtigen/ auch geendt vnd befchloffen/ der vns allen auß fei  
ner milteften Barmhertzigkeit/ ein Sâligs end/ vnnd  
ewig freüd verleihen wôll. Amen.